



KANTONALNA JAVNA USTANOVA
"DOM ZA SOCIJALNO ZDRAVSTVENO ZBRINJAVANJE
OSOBA SA INVALIDITETOM I DRUGIH OSOBA"
SARAJEVO, Nahorevska 195

Broj: 31-1457/24

Datum: 10.12.2024.godine

Na osnovu člana 21.a. Zakona o zaštiti ličnih podataka Bosne i Hercegovine („Službeni glasnik BiH“, broj: 49/06, 76/11 i 89/11) i člana 26. Pravila KJU „Dom za socijalno zdravstveno zbrinjavanje osoba sa invaliditetom i drugih osoba“ direktor donosi

ODLUKU

o uspostavljanju i vršenju video nadzora u KJU „Dom za socijalno zdravstveno zbrinjavanje osoba sa invaliditetom i drugih osoba“

Član 1.

(Predmet odluke)

Ovom Odlukom se uspostavlja video nadzor u KJU „Dom za socijalno zdravstveno zbrinjavanje osoba sa invaliditetom i drugih osoba“ (u daljem tekstu: Dom), utvrđuje se njegova svrha i opravdanost, te utvrđuju pravila prikupljanja, obrade, načina korištenja i davanja prikupljenih podataka zajedno sa načinom i rokovima čuvanja istih.

Član 2.

(Svrha)

- (1) Video nadzor se uspostavlja radi unaprijeđenja sigurnosti korisnika smještaja, radnika i posjetioca Doma.
- (2) Video nadzor je ujedno i ispomoć dežurnom medicinskom osoblju u njihovom djelokrugu rada za procjenu stanja korisnika Doma i hitnu intervenciju u periodu dežure, ukoliko se ukaže potreba za njom.
- (3) Pored svrhe iz stava (1 i 2) ovog člana videonadzor se uspostavlja i koristit će se u svrhe unaprijeđenja sigurnosti objekata i imovine, te spriječavanja protuprovalnih radnji usmjerenih prema imovini Doma, te krađe, provale, uništenja i oštećenja imovine Doma.

Član 3.

(Obim i mjera)

- (1) Video nadzor iz člana (1) ove Odluke uspostavlja se u prostorijama Doma i prostoru koji se nalazi na adresi Nahorevska broj 195.
- (2) Video nadzor iz stava (1) ovog člana obuhvata unutrašnje kamere (18 kom.), vanjske kamere (9 kom.), monitore (3 kom.) i uređaj za pohranu video zapisa (snimač) (1 kom.).
- (3) Korisnici smještaja, radnici i posjetioci će biti obavješteni o vršenju video nadzora.
- (4) Obavještenje iz stava (3) ovog člana će biti postavljeno na ulazu u Dom i na ulazu u objekat na način da je vidljivo svima.
- (5) Obavještenje je adekvatne veličine na kojem se nalazi slika kamere i jasno vidljiv natpis „OBJEKAT JE POD VIDEO NADZOROM“

web: <http://kjudom.ba>

e-mail: info@kjudom.ba

tel: +387 (0) 33 250- 820; fax: +387 (0) 33 250-821

Sarajevo, Nahorevska 195

- (6) Obaviještenje sadrži podatke o kontaktu/kontroloru sa brojem telefona putem kojeg se mogu dobiti opće informacije o video nadzoru.

Član 4.

(Položaj i opseg snimanja video nadzora)

(1) Uspostava videonadzora, instaliranje, obrada i čuvanje podataka izvršena je u skladu sa Zakonom o zaštiti ličnih podataka (Službeni glasnik Bosne i Hercegovine” broj:49/06 i 76/11 i 89/11), Zakonom o agencijama i unutrašnjim službama za zaštitu ljudi i imovine (Službene Novine FBiH br: 78/08) i Zakonom o izmjenama i dopunama zakona o agencijama i unutrašnjim službama za zaštitu ljudi i imovine (Službene Novine FBiH br: 67/13) i Uredbom o poslovima tehničke zaštite koji se odnose na upotrebu alarmnih sistema, videonadzora ili drugih tehničkih sredstava i opreme te poslova intervencije u slučaju aktiviranja alarmnog sistema (Službene Novine FBiH br: 72/15).

(2) Video nadzor se vrši na način kojim se nadziru pristupi objektu, skladišta, garaže i parking, kotlovnica, zajedničke prostorije korisnika Doma, ulazi i izlazi, hodnici i komunikacije i mjesta gdje se nalaze teško pokretne i dementne osobe. Objekat je pokriven video nadzorom na sljedećim mjestima:

A. Vanjske kamere:

- Glavni ulaz u krug Doma, zbog kontrole ulaska u krug Doma – 1 kom
- Prednja strana objekta, zbog sigurnosti imovine Doma i kontrola ulaza u objekat – 2 kom
- Unutrašnje dvorište, zbog sigurnosti imovine Doma, podizanja nivoa sigurnosti korisnika Doma i ispomoc medicinskom osoblju – 2 kom
- Ulaz u kotlovnicu i skladište, zbog sigurnosti imovine Doma – 1 kom
- Garaža i parking ispred garaže, zbog sigurnosti imovine Doma – 1 kom
- Fasada iznad mrtvačice – pokriva vanjski dio kruga iza objekta zbog sprečavanja neovlaštenog pristupa imovini Doma – 1 kom
- Vanjska bašta za otvoreni boravak korisnika, zbog podizanja nivoa sigurnosti korisnika Doma i ispomoc medicinskom osoblju – 1 kom

B. Unutrašnje kamere:

- Prizemlje
- UK 1 -Ulazni hodnik za kontrolu ulaza u objekat – 1 kom
- UK 2 -Glavna trpezarija, zbog podizanja nivoa sigurnosti korisnika Doma i ispomoc medicinskom osoblju – 1 kom
- UK 3 -Hodnik 3, zbog podizanja nivoa sigurnosti korisnika Doma i ispomoc medicinskom osoblju – 1 kom
- UK 4 -Službeni ulaz za kontrolu ulaza u objekat – 1 kom
- UK 5 -Prostor parapleg, zbog podizanja nivoa sigurnosti teško pokretnih korisnika Doma i ispomoc medicinskom osoblju – 1 kom
- UK 6 -Hodnik paraplegija, zbog podizanja nivoa sigurnosti teško pokretnih korisnika Doma i ispomoc medicinskom osoblju – 1 kom

- Prvi sprat:
 - UK 7 -Hodnik ispred lifta, zbog podizanja nivoa sigurnosti korisnika Doma i ispomoć medicinskom osoblju – 1 kom
 - UK 8 - Hodnik ispred lifta, zbog podizanja nivoa sigurnosti korisnika Doma i ispomoć medicinskom osoblju – 1 kom
 - UK 9 -Hodnik ispred ambulante, zbog podizanja nivoa sigurnosti korisnika Doma i ispomoć medicinskom osoblju – 1 kom
 - UK 10 -Dnevni boravak, zbog podizanja nivoa sigurnosti korisnika Doma i ispomoć medicinskom osoblju – 1 kom
 - UK 11 -Most (topla veza) zbog podizanja nivoa sigurnosti transporta nepokretnih korisnika Doma – 1 kom
 - UK 12 -Hodnik demencije, zbog podizanja nivoa sigurnosti dementnih korisnika Doma i ispomoć medicinskom osoblju – 1 kom
 - UK 13 -Boravak demencije, zbog podizanja nivoa sigurnosti dementnih korisnika Doma i ispomoć medicinskom osoblju – 1 kom
 - UK 14 i 15 - Hodnik 2 demencije, zbog podizanja nivoa sigurnosti dementnih korisnika Doma i ispomoć medicinskom osoblju – 1 kom
 - UK 16 – Prostorija nadzora/dežure dežurnog medicinskog osoblja za nadzor monitora videonadzora bez ovlaštenog pristupa snimaču pristupa – 1 kom. Monitor je neophodan kao ispomoć dežurnom medicinskom osoblju u djelokrugu njihovog posla za procjenu stanja korisnika Doma i hitnu intervenciju u periodu dežure. Instalirati kameru za kontrolu pravilnog postupanja sa monitorom, radi zaštite prenošenja ili obrade podataka sa monitora, a prema članu 11. stav (2) Zakona o zaštiti ličnih podataka (Službeni glasnik Bosne i Hercegovine” broj:49/06 i 76/11 i 89/11).
 - UK 17 - Hodnik HOSPIS, zbog podizanja nivoa sigurnosti korisnika Doma i ispomoć medicinskom osoblju – 1 kom
- Drugi sprat:
 - UK 18 -Hodnik ispred lifta, zbog podizanja nivoa sigurnosti korisnika Doma i ispomoć medicinskom osoblju – 1 kom
 - UK 19 - Hodnik ispred spavaona, zbog podizanja nivoa sigurnosti korisnika Doma i ispomoć medicinskom osoblju – 1 kom

Član 5.

(Način čuvanja i upotreba podataka)

- (1) Uređaj za snimanje i monitor nalaze se na odjelu hospisa u posebnoj prostoriji. Prostorija se ne koristi u druge svrhe, uvijek je zaključana i u nju imaju pristup osobe navedene u ovoj Odluci, a po odobrenju direktora.
- (2) Monitoring u realnom vremenu nad video nadzorom imaju čuvari/potiri Doma putem monitora u portirnici i dežurno medicinsko osoblje putem monitora u prostoriji za nadzor/dežuru. Na ovim mjestima ne postoji mogućnost pristupa snimcima niti snimaču.
- (3) Kontrolor će snimke nastale korištenjem aplikacije za video nadzor pohranjene na snimaču koristiti u skladu sa Zakonom o zaštiti ličnih podataka, kao i propisima koji regulišu zaštitu ličnih podataka.
- (4) Nastale snimke mogu se kopirati ili drugačije elektronski obrađivati zbog dokazivanja krađe, oštećenja imovine, ugrožavanja zdravlja i sigurnosti korisnika smještaja, radnika i posjetioca.

web: <http://kjudom.ba>

e-mail: info@kjudom.ba

tel: +387 (0) 33 250- 820; fax: +387 (0) 33 250-821

Sarajevo, Nahorevska 195

- (5) Podaci dobiveni putem video nadzora mogu se prenijeti tužiocu i ovlaštenom službenom licu nadležnog policijskog organa na CD-u ili USB-u, i to isključivo na osnovu pismenog službenog zahtjeva i/ili naredbe, u skladu sa odredbama Zakona o krivičnom postupku. Voditi evidenciju o ličnim podacima koji su dati na korišćenje trećoj strani i svrsi za koju su lični podaci dati.
- (6) Video nadzor će biti zaštićen od pristupa neovlaštenih lica.

Član 6.
(Vršenje video nadzora)

- (1) Snimak video nadzora obuhvata video zapis koji sadrži sliku, datum i vrijeme.
- (2) Podaci prikupljeni putem video nadzora ne smiju se koristiti izvan zakonske namjene.

Član 7.
(Ograničenja)

- (1) Kancelarije, sobe korisnika smještaja, sanitarne prostorije i druge intimne prostorije se neće nadzirati.
- (2) Sistem video nadzora može se upotrebljavati samo u skladu sa svrhom propisanom ovom Odlukom.
- (3) Podaci prikupljeni sistemom video nadzora ne smiju se koristiti suprotno Zakonu o zaštiti ličnih podataka (Službeni glasnik Bosne i Hercegovine” broj:49/06 i 76/11 i 89/11).

Član 8.
(Rok čuvanja)

Video zapis obuhvata kontinuirani period snimanja zadnjih 18 uzastopnih dana nakon čega se isti automatski briše.

Član 9.
(Odgovorno lice)

- (1) Kontakt lica kao kontrolor podataka za video nadzor na nivou pravnog lica je direktor Doma i radnik u Domu na poziciji stručni saradnik za servisne usluge ili drugi radnik po posebnom pismenom ovlaštenju direktora.
- (2) Ovlaštena osoba za uvid u pohranjene snimke video nadzora je:
 - Direktor Doma,
 - Kontakt lica / kontrolor podataka za video nadzor radnik u Domu na poziciji stručni saradnik za servisne usluge.
- (3) Odgovorno lice za imenovanja ovlaštenih osoba i provedbu ove Odluke je direktor Doma.
- (4) Po ukazanoj potrebi će Odgovorno lice analizirati stanje videonadzora i po potrebi revidirati listu ovlaštenih osoba za pristup prikupljenim podacima putem videonadzora.

Član 10.
(Realizacija odluke)

Za realizaciju ove odluke odgovorni su direktor Doma i kontakt lica / kontrolor podataka za video nadzor radnik u Domu na poziciji stručni saradnik za servisne usluge koji će jedini imati pristup snimljenim podacima pomoću video nadzora i isti su dužni da ih koriste u skladu sa Zakonom o zaštiti ličnih podataka (Službeni glasnik Bosne i Hercegovine” broj:49/06 i 76/11 i 89/11), Zakonom o agencijama i unutrašnjim službama za zaštitu ljudi i imovine (Službene Novine FBiH

br: 78/08) i Zakonom o izmjenama i dopunama zakona o agencijama i unutrašnjim službama za zaštitu ljudi i imovine (Službene Novine FBiH br: 67/13).

Član 11.
(Stavljanje van snage)

Donošenjem ove Odluke stavlja se van snage Odluka o uspostavljanju i vršenju video nadzora u KJU „Dom za socijalno zdravstveno zbrinjavanje osoba sa invaliditetom i drugih osoba“ broj: 30-781/23 od 22.06.2023. godine.

Član 12.
(Stupanje na snagu)

Ova Odluka stupa na snagu danom donošenja i objavit će se na oglasnoj ploči i web stranici Doma.



Hazim Đurmisević, dipl.ecc

Dostaviti:

- Oglasna ploča
- Web stranica
- ☉ Služba pravnih i kadrovskih poslova
- a/a